



# САМУРДИН

## сес

«Магъарамдхуърън район» МР-дин  
общественно-политический газет.  
Общественно-политическая газета  
МР «Магъарамкентский район».

Газет 1951- йисалай акъатзава. № 25 (7793) киш, 18 - июнь, 2016- йис. Къимет 6 манат.



## 19 - ИЮНЬ

### Медицинадин работникрин югъ я



## Суварин тебрик

РАЙОНДИН медицинадин  
вири работникриз профессио-  
нальный сувар рикин сидкъидай  
мубаракзава. Районэглийрин  
сагъламеилин къаравулда акъ-  
вазнавай кеехъ къвалахда агал-  
къунар ва чандин сагъвал хъу-  
рай.

«Самурдин сес»  
газетдин коллектив.



Газетдиз



## САГЪВАЛ ГУРАЙ ЧПИЗНИ

ГЪУЪРМЕТЛУ редакция!  
Квез и чар кхызвайбур район-  
дин больницада къатканвай са  
жерге азарлуяр я. Чаз газетдин  
чинрай райондин агъалийрин  
сагъламвилдин къаравулда акъ-  
вазнавай кхиле духтур Бегле-  
ров Гъажибала авай лечобье-  
динениедин члехи коллективдиз  
чпин профессиональный сувар

риклин сидкъидай мубарак ийиз  
кланзава.

Кхиле здравоохранениедин  
отличникар Рагъим, Играми, Ма-  
гъамед духтурар ва абуру регъбер-  
вал гузвай отделенийра  
къвалахзавай сестрайриз, сани-  
таркайриз кхил агъузна икрам аву-  
налди чухсагъул лугъуз кланзава.

Вири патарихъай дарви-  
ли азмишзавай девирда  
кефсузвал себеп яз больни-  
цадиз акъатай чаз чун лап  
санаториядиз аватайди хъиз  
хъана. Азарлуяр патал ина  
вири шартлар яратмишнава:  
палатайра чими ва миъи я.  
Медработникар югъ-йиф лу-  
гъун тийиз чи къуллугъда  
уяхдиз, инжиклувал авачиз  
акъвазнава, герек, чарасуз  
дарманралди таъминарза-  
ва. Чи районэглийрикай  
ихътин къайгъударвал  
члугвазвай квез Аллагъди  
сагъвал гурай!

## СУВАРИН ШАДВИЛЕР



АДЕТ ХЪАНВАЙВАЛ, гъар йисуз чи уьлкведа 12-июнь «Россиядин югъ» тӀвар алай сувар яз шад гъалара кьейдзава. И юкъуз суварин шадвилер Махачкъала шегъердани тешкиллувилелди кыле фена. Суварин шадвилера милли парталар алай, цуьквер, пайдахар, плакатар гвай вири районрин векилрин дестейри иштиракна.

«Магъарамдхуьруьн район» МР-дин кьил Агъмедов Фарид Загъидиновичан тапшуругъдалди, кыле МР-дин кылин заместитель Марта Абдуллаева, жегъилрин крарин рекъый МКУ-дин директор Фарид Бейбутов, МР-дин администрациядин ва культурадин отделдин работникар, райондин информациядин массовый такъатрин векилар авай дестедини и шадвилера иштиракна.

12-июндин экуьнахъ Ленинский комсомолдин тӀварунихъ галай паркуна гъамишан цӀай авай мемориалдал башламиш хъайи шад митинг тебрикдин гаф рахуналди РД-дин мили политикадин министр Татьяна Гамалея ачухна. Вичин рахунра, ихътин сувари

чи халкъарин руьгъ, ватанпересвал хкажзавайди, алакъяр мягкемарзавайди, Россиядин халкъар руьгъдин ва милливилин рекъый сад ийизвайди лагъана. Гуьгъуьнлай мярекатдал рахай РД-дин жегъилрин крарин рекъый министр Арсен Гъажиевани РД-дин общественный палатадин векил Магъамед Къурбанова виридаз сувар тебрикна. Митинг Россиядин ва Дагъустандин гимн ягъуналди акъалтӀарна.

Милли парталар, сивел шадвилдин хъвер алай митингдин иштиракчийрин колонна «Россиядин халкъарин дуствилин парад» акциядин рамкайра аваз, манияр ягъиз ягъиз Ленинан тӀварунихъ галай майдандал алай «Дуствилин кӀвалин» вилик квай майдандал фена.

Анал чи республикадин гъевескар манидарри еке концерт гана. Концертда чи артистри Ватандикай, хайи чиликай, дуствиликай манияр лагъана. Атанвай векилри майдандал кьуьлер авуна ва рикел аламукъдай шикилар яна.

**А. АЙДЕМИРОВА.**



## Мумкинвилер екебур я

АЛАЙ ВАЦРА «Магъарамдхуьруьн район» МР-дин кьил Фарид Агъмедов райондиз кӀвалахдин рекъый мугъман хъанвай РД-дин тебиатдин ресурсрин ва экологиядин министр Набиюла Къарачаевахъ галаз гуьруьшмиш хъана. Министр райондиз атунин асул сеbeb Магъарамдхуьруьн районда балугъчивилин хел вилик тухунин месъладихъ галаз алакъалу тир.

Фарид Агъмедовани Набиюла Къарачаева РД-дин тебиатдин ресурсрин ва экологиядин министрстводин векилрихъ ва Азербайжандай тир инвесторрихъ галаз санал райондин мулкунал алай инвестиционный майданриз килигна.

Магъарамдхуьруьн райондиз мугъман хъунин нетижаяр кьадайла, Набиюла Къарачаева кьейд авурвал, райондихъ АПК-дин гзаф хилерай еке мумкинвилер ава. И кар идалай вилик гъиле кьур проектар районда кылиз акъуддай кьайдадиз килигайла мадни якъин жезва.

## Малимрин- спартакиада

МУКЪВАРА Магъарамдхуьре образованиедин илимдин работникрин профсоюздин комитетди тешкилай РД-дин образованиедин идарайрин педагогический работникрин VII-спартакиададин кьиблепатадан зонадин акъажунар кыле фена. Ана Докъузпара, Ахцегъ, Рутул, Магъарамдхуьруьн, Къурагъ, Сулейман-Стальский, Хив районрин образованиедин хиле кӀвалахзавайбуру иштиракна.

Образованиедин хиле кӀвалахзавай ксари спортдин са шумуд жуьредай чпин алакъунар кьалурна. Кьилди къачуртӀа, волейболдай, тӀамайрай, столдал кьугъвадай тениссдай, алай чкадила хкадарунай, 60 ва 100 метрдиз чукурунай, путар гадарунай кьизгъин акъажунар кыле фена.



# ЦАТЪЯЛ

## МУЗЕЙ КАЙЛА

Йифен кюла члуру хабар агакьна,  
Залумдин хва, валай гьикI кар алакьна.  
ЦIай яна куз Сулейманан дарамат,  
Лезги халкьдив члугваз туна хажалат.

Кьуд пад рекьер на ваз дуьзгуьн агална,  
Алемдивай агь-агуьзар хчална.  
Кана ама вуч гьатна лагь гьиле ви?  
Гьич са клусни акьул авач кьиле ви.

Музей кана чи Сулейман бубадин,  
РикI тIар хьана гьар са лезги баладин.  
Сефил хьана гуьгуьл и ван галукьай,  
Ягьайди хьиз жуван келле кьамухьай.

Лянет хьурай музей кайи алчахриз,  
Акьатрай хер сагь тежедай кьалчахриз.  
Амукьрай вич виш йисара кьазадал,  
Фу-фу,- лугьуз ялвар ийиз сузадал.

Чехи шаир, кьад лагьай виш йисарин,  
Буба я ам чи кьелемдин дустарин.  
Чи тарихда сифте кьелем аклурай,  
Лезгийрин тIвар и дуьньядиз машгьурай.

ГьикI фена гьил цIай яна куз музейдиз?  
Чаз гьикI хьана кьилиз лаплаш вегьейд хьиз.  
Вун инсан туш, гьайванни туш, небгет я,  
Лагь кван садра, вун гьи жуьре миллет я?

Тадач акIа, кьуьн кутуна вирида,  
Авайдалай туклуьрда ам цийикIа.  
Кьуй акурай бязибуруз чи садвал,  
Чи дуствални стхавални абадвал.

## Ражадуллагь САЛМАНОВ

### КIВАЧЕР ХАЙИ ЛАМ

Ялна,ялна залан парар,  
ЦIару ламран хана кIвачер.  
Экьис хьана адан сарар,  
Вилеризни яна шемкьер.

Лугьун тийиз дагьни аран,  
Члугваз хьана ада парар.  
Бесрай лагьай атанач ван,  
Эхир кьил члур хьана крар.

Хьхьанач мад рекье кьекьвез,  
Каш аватна рекьизва лам.  
Садни кьезвеч адахь гелкьвез,  
-Бесрай,-лугьуз тIуьр кьван гьарам.

Ахьагьайла чир хьанач нефс,  
Хадайди икI вичин кIвачер.  
Гила кьунва члугуна мес,  
Гьарамдикай хьана зегьер.

Кьве вил яна кIвалин кьавуз,  
АкIурнава руфуна гьуд.  
ЦIару ламра вегьена плуз,  
Вичи-вичин ийизва суд.

Рекьизва лам гьайиц члугваз,  
Вичин вахтар рикIел кхез.  
Авазва кье сарар жакьваз,  
-Жезмач,-лугьуз гила кьекьвез.

## Нурудин НАСРУЛЛАЕВ



### ШИИРАТДИН ЦАВАРИЗ

**СтIал Сулейманан 145  
йис тамам хьайила**

Гатфарин югь, десте- десте,  
Вакай даим физ рахун.  
Кье зунни тир ина сифте,  
Кутугнавай чIал лугьуз.

Гужлу жезва инсанрин сел,  
Пак ерийрал, мескендал.

Гуя гими-юзазва эл,  
Гар гьатнавай елкенда.

Дагьустанда тIвар-ван авай  
ЧIалан устад, арифар...  
Мегьуьн тарцин лап тан авай,  
Жедач зи чIал зайифар.

Кье атанва нече-шумуд,  
Илгьамдикай пай кьачуз.  
Хкахь тийир, вак кваз умуд,  
Ви жуьгенрин цIай кьачуз.

Эй, аяндар, ви арчардин  
Зайиф хьанач стIалар!  
Агалай туш сив хучардин,  
Гьалчиз хьанай ккIалар.

На хкажна чи Лезги чил,  
Шииратдин цавариз.  
Такабурдиз хкажна кьил,  
Кескин я халкь суварик.

Эхь, асирар кьез алатда,  
Ви азиз тIвар мецера.  
Ви чешмейрив кьез агатда,  
Хуьда даим рикIера...



М. ЖЕЛИЛ

«Рикни ният михьи тир и инсандин».

# МИХЬИ КАС

**(Эхир. Эвел 24- нумрада).**

-И МИСКИИН зи бубади эцигайд я жемятдиз.

-Аллагъдиз Квал эцигай кас я ви буба Пирали. Женнет къисмет хуй вичиз.

-Аллагъ рази хурай валайни, буба... Ангъе абур, акъвазнава гъаятда. Абас халу, патав гва Пержагъанни. Абурун гада Шамил я чал къевзвайди. Акахънавай хизанар я, мукъвабур хъиз, чун фадлай...

Гъилер яна, хушвилелди къабулна. Чи Пержагъан халади, япал куш-куш авуна. Шамил санихъ ракъурна. Абас халу, шейх Желил жаж хъана айвандик. Адет тирвал, рушарикай са рушаз, чай гъиз клан хъана вилик. Абас халу къарагъна, батнус къуна рушав гвай, ишарадив вилерин мад хуьквемир лагъана.

Зуни тунач гъарикл яз, дидедикай, хизанрикай чи Пержагъан халади, заз гана бул суалар, элкъвер-элкъвез хабар къуна аялар.

Чун эхтилатрик кумаз, Желил буба къарагъна, нисин каплунал вичин тирвал гъарвал акваз. Шамилни фад хтана, вичиз лагъай руш галаз. Къужадикни къаридик къалабулук акатна. Башламишна дастамаз. Пержагъана къужадиз ишараяр авуна. Гъиле аваз са бади, квачиз вичик гъич тади, афтафадай, Абаса къуна клвачерик бади.

-На вучзава, чан хва Абас? – ийир-тийир квахъна адан.

-Лагъ, Пержагъан, -гъиле авай бади вичин вилик эцигна адан.

-Желил буба, ваз чан къурбан. Цаварал Аллагъ ала чаз, къе чилерал вун. Сиве туртла нез клан жедай и малаик хътин руш, им пуд йис я гъульуз гъана, идан гъал я лап нахуш. Магърум я ам аялдикай, чан буба, хукудмир ви хиялдикай. На дастамаз къачур цикай са хупл яд и тамарзлуда хъвайитла. Аллагъ гъафури регъим я, белки велед хъайитла...

-Пержагъан вах, и райондиз

имам жедай диловар, эгер вуна са синиф клепнавайтла. На сустарна ваз яб гайибур вери...зарафат хуй имни хийирдин ери. Ви акунар аялдинбур я гъеле. Вуч тади ква, бала, вак? вун бала хъиз аквазва. Итимди гъакл лугъузватла, ам нубатсуз рахазва. Заз аян я, ада гагъ-гагъ вун нубатсуз жакъвазва. На кваз къамир. Чир хъун герек я вирдаз, халкъзавайди Аллагъ я. Чна хабар къазвани къван, вуч паталди, вуж паталди лагъана. ваъ, гъелбетда, гъич садрани хабар къазвач. За суал гун гила ваз. На вуч гана вун халкъ авур Аллагъдиз? Вуч кланзава. Лагъ Адаз? Анжах-Ибадат. Клеп тавурла са шагъадат, тамам тавурла вад къил капл, сив на хуьмир, гъаж ийимир... ибур чна вахкун ферз тир буржар я. Нив? чун халкъзавай ва вичивай тлалабзавай Халикъдив. Вуна дерин хиялармир, бубадин. Исятда чаз яб гузва чи Панагъди ва лугъуза: за квез гуда, куьнени зав вахкуда. Икл тахъайтла, чи икърар шаксуз куда. Дастамаздин са хупл яд хъун, зияратрикай далда къун, я туш, са пирен туьтуь хъун...махар я. На дикъетдив яб гана заз, иншаллагъ, сад Аллагъди куьмегда ваз. сабурлу ва инанмиш хуьхъ.

(Афтафадай вичин чапаз яд цана, ам чукурна капашдиз, ахпа «Кавсар» сура клелиз, пуд сеферда гъилерикай яна рушан перемриз)

Ихтилат куьтягъ хъунин са лишан яз, инал алай инсанриз гъил юзурна, Желил буба вичел ферз тир, нисинин къуд ракатдин капл тамамариз, айвандикай гъахъ хъувуна вич вердиш тир гъа клвализ.

Гъа иналди зи ихтилат куьтягъиз хъанвач завай, я ам жедай клвалахни туш фейитлани лап цавай. Йисаралди гуьзлемишиз, тежезвай крар, чаз кланзава, Желил буба клвале амаз, аял хана, пака экъечина чларар, пуд йикъалай иесийри, ам тахъурай. и твар хуьрай лугъуз дегшириз тварар... им суьгъуьр туш чаз къалурай, квез лагъанай сабурлу хуьхъ. Са къарарни авач инал къабулай, гуьзлеми-

ша.

Фена йикъар, физва варцар, залум йисар, гъикъван яргъа аватла куьн, мус алуькда, явларзавай дидедихъ бес аялдин тлал мус галуькда.

Садавайни вахчуз жедач ваз Аллагъди гайиди, садавайни къачуз жедач гун тавурди Аллагъди. На бейкефвал мийир нагъахъ, адан вилик туштла вун гъахъ.

Ингъе а югъ, хъсан ксар алай члавуз каплунал, цаву ванер авуна. Я Ребби, На нин тлалабун тунватла къе тавуна. Низ ганватла, нивай вуна вахчунватла гайиди. Шадарнава къе садан рикл, шак алач. Ам гайибуроз чизва якъин, амма виридаз анкай хабар авач.

Хабар нивай? Хабар гуда цавари, лишан гуда къавари, муштулухар-шадвал авай, клвале физвай суvari.

Желил буба гваз хтана машиндаваз Абас халудин гъенел. Салам гана, жузунарна, илифунар патаривни агуднач.

-Абас, чан хва, вуч алатла лагъ мецел. Зун тади квай рекъел алаз, и ви хци, и женжелди, дахдиз чарасуз акуна кланзава, лугъуз, ялна ви гъенел. Вуч тади кар аватла лагъ на эвел.

-Вун инжиклу ийидай къван, гъеле авач са карни. Лап са вацран идалай вилик за гададиз лагъанай, хва, гъалтайтла вал, кичле, регъуьвал тавуна са тварни, лагъ на адаз, вун чи дахдиз акурай.

-На тадиз лагъа, зун гъавурда акъурай.

-Тавакъу хуй, къве камунин инихъ ша, - масабуроз ван тахъурай, -Желил буба, ваз хабар гуз кланзава заз. Са йис идалай вилик хъиз, са магърум, вавай са гъвечид тлалабиз...

-Кис! Завай са аял тлалабиз?! Вуч атанва ви риклиз? Зун вуж я ваз чиз? Гъа и гаф лугъун патал эвернани заз иниз?

-Багъишламиш ая на заз, авам лежбер къужа я ман. Чизва хъи ваз... Гъа рушаз са велед хъанва...

-Аян я заз, чан Абас хва, мад вуч лугъуз кланзава ваз.

-А хизанди са гъуьрмет яз, лапаг гъана, ахъайнава чи салаз.

-Туклуна неъ, гъалал я ваз. Гила вуна ихтияр це зи дердидиз фидай.

# ДИН ВА ИНСАН

## Рамазандин варз сивин варз я

### СУАЛ-ЖАВАБ

**-МУСУРМАН-ДИ** гьи яшдилай сив кьаз башламишна кӀанда?

-Мусурманди яшарин тамамвал (тахминан 14,5) хъайила сив кьаз башламишна кӀанда. Яшар тамам тахъанвай аялрин хиве сив

хуьн ва капӀ авун авач. Анжах жез хъайитӀа ирид йисалай гатӀумна диде-бубайри чпин аялрив капӀ ийиз ва сив кьаз туна кӀанда. Аялдин 10 йис хъайила диде-бубади абур сив кьаз ва капӀ ийиз мажбурна кӀанда. Эгер аялди и кардикай кьил кьакъудзаватӀа, диде-бубадиз шариатдин сергъятра аваз абуруз жаза гудай, яни гатадай ихтияр ава.

**-Сив гвайдан япар, гьакӀ руфун тӀа хуьн мумкин я. Бес дарман вегъедачни ва я яцӀу рад михьи ийидачни?**

-Къве дуьшуьшдани сив хкатзава. Инал мад лугъун: сив гвайди чин-гъил чухуьдайлани нериз, япариз... яд тефин патал мукъаят хъана кӀанда. Эгер уьмуьрдиз ва я бедендин са гьихьтин ятӀани паюниз хасаратвал аваз хъайитӀа, адаз дарманар ишлемишдай ихтияр ава, анжах ахъа хъайи сив гуьгъуьнлай эвез авун лазим я.

**-Сив хуьникай сагъламвиллиз хийир ава лугъуда, дуьз яни?**

-Алатай, диндиз акси полити-



ка тухузвай йисара гьатта сивер хуьникай инсандин сагъламвиллиз зиян ава лугъуз лекцияр кӀелзавай.

Гила дуьньяда алимри сив хуьнихъ сагъламвал мягъ-

кемарунин карда еке метлеб авайди субутарзава. Мусурман уьлквейра алимри сив хуьнихъ авай метлебдикай телевидениедай мукъвал-мукъвал суьгъбетар ийизва. Чи пайгъамбарди лагъайди я: «Сив хуьх, шаксуз, сагълам жеда».

Гьа са вахтунда сивер хуьни сагъламвиллиз зиян гузвай (азарлу тир) инсанриз Къуръанда сивер хуьн тийидай ихтияр ганва.

**-Сив гвайди сивин харчивал, кьалмакъл ийиз хъайитӀа, гьикӀ жеда?**

-Ахьтин крар авун къадагъа я, амма сив хкатзавач. Гьа са вахтунда адаз сивер хуьнай ийидай мергъяматлувилер (сувабар) атӀуда ва я тӀимил жеда. Гьа и тегъерда «жерме» ийидай тапан кьинер кьазвайбурни, дигегълидиз темягъ финалди килигзавайбуруз, сив гваз музыкадиз яб гуз машгъул жезвайбуруз ийизвай мергъяматлувилерни тӀимиларзава.

«АС-САЛАМ» газетдай.

**Гьажи ЖЕЛИЛ**

**РАМАЗАН  
СИВЕР ХУЪДАЙ  
ВАРЗ Я**

*Рамазандин варз атана  
Сивер хуьдай муштулук  
гваз.*

*Хиве авай ферз кьатӀана  
Ша гьазур жен чун сивер  
кьаз.*

*Экуьнин ва хушунин капӀ-  
Им мензил я сивер хуьнин.  
Ахпа немир ядалди хъапӀ,  
Кьадар чир хуьхъ хуьнин,  
тӀуьнин.*

*Зун паталди пак Рамазан  
Варцарикай масан варз я.  
Йикъа вадра ягъиз азан  
Ибадатиз хъсан варз я.*

МУСУРМАНАР патал Рамазан варз анжах сувабдин кваллахар ийидай, гуьгъуьниз нагъакъан гаф къведай чӀуру кардикай яргъа жедай, невсин пехъивал, кьилихрин вагъшивал явашардай, Аллагъдиз рикӀин сидкьидай ибадат ийидай пак тир варз я. Им дарда авай, ви гъилихъ муьгътеж тир ксариз куьмек гудай, азарлуйрал кьил чӀугвадай, хъелбурув меслят хъижедай, бейкефвилер гьалал ийидай варз я. Им инанмишбуру Аллагъдиз жезмай кьван гзаф ибадат ийидай, вахтунин чӀехи пай мискинра акъуддай, пак тир Къуръан гзаф кӀелдай, кӀелиз тийижирбуру яб акалдай, и дуьньяда ва эхиратда Аллагъди Вичин регъимдикай ва мергъяматлувиликай хкуд тавун патал гзаф тӀалабунар ийидай варз я.

Сив хуьни чи рикӀе регъимлувилин, инсафдин, кьайгъударвиллин, кӀанивиллин, умуддин, сабурлувилин ва са жерге хъсан маса кьилихрин тумцада. Бес са вацра сив хвена икьван дережаяр кьазанмишун тӀимил яни?.

## РОССЕЛЬХОЗНАДЗОР ПО РД: ВПЕРВЫЕ В ДАГЕСТАНЕ ВЫЯЛЕН ВИРУС НОДУЛЯРНЫЙ ДЕРМАТИТ

В СЕНТЯБРЕ текущего года заболевание вирусом нодулярного дерматита было обнаружено в Тляртинском, Хунзахском, Кизлярском, Бабаюртском и Гергебильском районах Республики Дагестан. Данный факт был подтвержден Всероссийским научно-исследовательским институтом защиты животных в городе Владимир.

Нодулярный дерматит - болезнь кожи крупного рогатого скота, сопровождающаяся лихорадкой, образованием на коже бугорков и повышением температуры тела до 40 С и выше. Нередки случаи летального исхода.

На территории России вирус выявлен впервые. Коснулся не только Дагестана, но и Чеченской республики.

В связи с чем Управление Россельхознадзора по РД обращает внимание граждан и юридических лиц, занятых животноводством, на необходимость соблюдения правил, направленных на недопущение заноса и распространения болезней, и призывает сообщать в органы госветнадзора о появлении новых животных у соседей, на старых животноводческих фер-

мах, а так же и в других местах, где возможно их содержание и разведение.

Учитывая вышеизложенное, высокую контагиозность заболевания и то, что факторами распространения нодулярного дерматита является миграция диких животных (инфицированное поголовье, насекомые-переносчики), генетический материал, проведение ветеринарных обработок животных, влияющих на распространение и концентрацию насекомых-переносчиков, Управление Россельхознадзора по Республике Дагестан рекомендует:

1. Не перевозить животных, продукты животного происхождения, корма и кормовые добавки без контроля со стороны государственных ветеринарных специалистов и без ветеринарных сопроводительных документов.

2. Убой животных осуществлять только после предубойного осмотра ветеринарным специалистом и на убойных предприятиях.

3. Использовать и реализовывать продукцию животного происхождения только после проведения ветеринарно-санитарной экспертизы и лабораторного заключения об их безопасности. Не

приобретать животноводческую продукцию на стихийных рынках.

4. О фактах выявления падежа или массового заболевания животных незамедлительно сообщать в государственные органы ветеринарии Республики Дагестан.

Справка о болезни: Нодулярный дерматит крупного рогатого скота протекает хронически. Инкубационный период от 3 до 13 дней. Болезнь начинается повышением температуры тела до 40 С и выше; затем появляются водянистые истечения из глаз, вялость, отказ от корма, слюнотечение, скованная походка и прогрессирующее исхудание. На коже (чаще ног и живота) образуются бугорки с плоской поверхностью диаметром 0,5-0,7 см. У лактирующих коров поражённое вымя увеличено, в нём возникают узелки; молоко становится густым с розоватым оттенком, при нагревании образует гель. Данные о заболевании человека вирусом нодулярного дерматита отсутствуют.



## КЪИБЛЕПАТАН ДАГЪУСТАН - МАД КЪЕРЕХДА

федеральный бюджетдай мектебар ва аялрин бахчаяр эцигун патал 2,051 млрд. пул ахъайнава. Идан гъакъиндай РФ-дин Правительстводин къарарда лаганва.

230 кас гъакъдай къве бахча ва 6, 9 агъзур ученический чкаяр авай умуми образованиедин 13 идара эцигун пландик ква. Абурукай 10 идара 2016-йисуз эцигна акъалтларда.

Къилди къачуртIа, ахъайнавай такъатрикай 601 млн. Чечнядиз, 564,5 млн. Ставропольдин крайдиз, 309,6

млн Ингушетиядиз, 100,2 Кабардино -Балкариядиз ва 475,2 млн. Дагъустандиз гуда.

Дагъустандиз ахъайнавай такъатрихъ Махачкъаладин «Ангель» микрорайонда, Хасавюртдин, Новоллакдин ва Тляратадин районра мектебар эцигда. Новоллакское ва Новочуртах хуьрера аялрин къве бахча эцигун пландик кутунва.

Гъайиф хьи, къиблепатан Дагъустан мад къерехда амукъна. Пул бес хъанач. Пул гъачирдавай макъамни заказ гуз жадач.

«КЕФЕР ПАТАН Кавказдин федеральный округ вилик тухун» гъукуматдин программадин рамкайра аваз, 2016- йисуз Дагъустандиз, Ингушетиядиз, Чечнядиз, Кабардино-Балкариядиз ва Старопольдин крайдиз




Сеть Республиканского МФЦ расширяется. Теперь за оформлением услуг не надо выезжать в райцентр. Их можно получить и в удаленных офисах. Такие офисы появились в селах Магарамкентского района.

Наименование населенного пункта	Режим работы
Чахччах-Казмаляр	Понедельник с 8 до 12
Филя	Вторник 8 до 5
Капир	Среда с 8 до 12 Четверг с 8 до 12
Тагикент – Казмаляр	Понедельник с 8 до 5 Вторник 8 до 5
Самур	Среда с 8 до 5 Пятница с 8 до 12
Бильбиль – Казмаляр	Четверг с 8 до 5
Бут-Казмаляр	Понедельник с 8 до 5 Вторник 8 до 5
Новый – Аул	Среда с 8 до 5 Четверг 8 до 12
Оружба	Вторник с 8 до 5 Среда 8 до 12
Картас	Понедельник с 8 до 12
Яраг- Казмаляр	Понедельник с 8 до 5 Вторник с 8 до 5
Гапцах	Вторник с 13 до 5 Среда с 8 до 5
Гильяр	Понедельник с 8 до 5
Куйсун	Вторник с 13 до 5 Среда с 8 до 5
Кирка	Четверг с 8 до 5
Советское	Понедельник с 8 до 5 Вторник с 8 до 5

Приглашаем жителей сел оценить новый уровень предоставления государственных и муниципальных услуг.

КРОССВОРД



**ДУЪЗ ЦИАРАРА:** 1.Сесер гу-нин кампания. 4.Муъфте, гъакъ-исуз. 7.Магъсулдин са жуъре. 8.Дагъда. 9.Гуъжетун, акъа-жун. 10.Гуъърметлу, багъа. 12.Буржуна шей къачун. 13.Магъле. 14.Зиян гудайди. 16.Ядигар. 19.Хунча, нехиш авачир рак. 21.Гъафтедин са югъ. 22. Къимет авай затI. 23.Мублагъвилелди, бул яз. 24.Тамун гъайван.

**ТИК ЦИАРАРА:** 1.Прокурату-радин къуллугъчи. 2.Хат. 3.Къи-лиз, чурудиз ядай лацу жанг. 4.Меккеда гъаж авуна хтай кас. 5.Гъисабунар гъализ чирдай илим, ктаб. 6.Такъатсуз. 11.Дах-дин стха. 12.Багъа. 14.Месэла. 15.Ихтибарсуз, итимсуз. 17.Чу-банрин машгъур кицI. 18.Чан-рикл, туъмер авун. 19.Къекъве-раг. 20.Ам цIаюн винел жеда.

*Кроссворддин жавабар къведай нумрада гуда.*

**Нуредин НАСРУЛЛАЕВ**

**ТЕРБИЯ, ГЕЛЕЖЕГ, ДАИМВАЛ**

*Тербия- им югъ-къандавай арадал къевезвай руъгъдин мергъяматлувилин муъмин девлет, хазина я, гъар са касдин зиъиндик стIал-стIал акатзавай.*

\* \* \*

*Тербия нефес хъиз чарасуз я.*

\*\*\*

*Тербия авай хизанда аялни такабурлу жеда.*

\* \* \*

*Писатель, гъар са касдиз,*

*рикIяй физвай адан руъгъдиз майил меслятчи, несигъатчи я.*

\* \* \*

*Ктаб михъи руъгъдин дадлу ем я.*

\* \* \*

*Ктаб кIелзавай гуъзел руъгъдизни иер жеда.*

\* \* \*

*Ктаб эдебдин гуъзгуъ я.*

\* \* \*

*Ктабди, эвелни-эвел, вич кхъизвайди тербияламышзава.*

**РЕКЪЕМАР**

Алатай йисуз виридуъньядин агъалийри 248 миллиард литр ички хъвана.

\* \* \*

5 миллион агъали яшамеш жез-вай Финляндияда 2 миллиондив агакъна гъамамар ва саунаяр ава.

Целегуънрин юкъван школадин коллективди Махмудинова Нади-радиз ва вири мукъва-къилийриз стха

**НАЗИМ**

вахтсуз кечмиш хъунихъ галаз алакъалу яз, дериндай хажалат чIугуналди башсагълугъвал гузва.

**Къилин редактор  
А. А. ИСМАИЛОВ.**

**Редакциядин адрес:**

368780. РД, Магъарамд-хуъруън район, Магъа-рамдхуър, Ленинан куъче.

Газет гъафтеда садра акъатзава.

**Учредители:** Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).  
**Адрес:** 368780. РД, Магъарамдхуъруън район, Магъарамдхуър, Гагаринан куъче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

**Чап ийиз вахкудай вахт - 16.00.  
Чапун патал къул чIугуна- 15.00.**

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуъруън район, Магъарамдхуър, Ленинан куъче. Лезги чIал.  
**Индекс 63340. Тираж 1668.  
Заказ № 25.**

**Телефонар:** редактор- 25-1-37, жавабдар секретарь - 25-1-39, бухгалтер-25-9-69.

6+